

Կէրէտէ, Չաղաղօլի, Պօլի, Տուղճէ, Խանտէկ, Ղաթըրչիքօյ, Սապանճի, Իզնիմիտ, Հէրէքէ տէկըմէնի, Կէկպիզէ, Փենտիկ, Ղարթալ, Ուսկուտար (Դեկտ. 14), ուր կ'իջևանի Երուսաղէմայ տներն: Դեկտ. 22ին կ'անցնի Կ. Պօլիս ու հանդէսով կը մտնէ Ս. Աստուածածնի եկեղեցին (Թղ. 139բ-141ա):

1690 Դեկտ. 22էն **1692** Մարտ 3 կը սպասէ Կ. Պօլիս: Այդ ժամանակամիջոցին կ'երթայ Պրուսա (**1691** Յուլիս 31 - Օգոստ. 17) և Թէքրիտաղ (Սեպտ. 11 - 22): Կ. Պօլիս գտնուած միջոցին կը զբաղի Երուսաղէմի գործերով և իր պատրիարքութիւնը պետութենէն վաւերացնելու աշխատանքով (Թղ. 141ա - 156ա):

1692 Մարտ 3ին նաւով կը մեկնի Կ. Պոլսէն. կը հանգիպի՝ Թէքրիտաղ, Կէլիպօլու, Պօղազհիսար, Պօհչա ատայ, Ղօյինատասիք, Սախըզոյ իլիման, Ըստանքօլու, Ռատօս, Ատալիոյ պուռուն, Կիպրոս (Պաֆ - Աղպուռուն - Լիմիսոն), Տուզլա, Սայտա, Սուր, Աքայ, Հայֆա և Ապրիլ 9ին Եաֆա և 15ին կը հասնի Երուսաղէմ ու հանդէսով կը մտնէ Ս. Յակոբ (Թղ. 156ա-157բ):

1692 Ապրիլ 15էն **1695** Ապրիլ 4 Երուսաղէմ՝ Իբրե պատրիարք (157բ - 194ա):

Ապրիլ 4ին կը մեկնի Երուսաղէմէն երթալու համար Էջմիածին՝ ցամաքի ճամբով. կը հանդիպի՝ Չէշմէլի, Նապլուս, Կարմեղոս, Ճինին, Թաբորի ստորոտը, Նաղարէթ, դարձ իթաբոր, Յովսէփայ հոր, Ղօնէյդաւ, Սասայ բերդ, Շամ ուր կ'իջևանի Երուսաղէմի հոգեւորներ (Ապրիլ 12էն 19): Կը շարունակէ ուղեորութիւնը հանդիպելով Ղուսէյր, Ղուէյֆա, Նէպք, Ղալար, Իքիզափուլի, Համա, Շէխուն, Մառա, Սարեաղուպ, Խանթումա և Ապրիլ 30ին կը հասնի Հալէպ ու հոն կը մնայ մինչև Օգոստ. 12 (Թ. 194ա - 196բ):

Օգոստ. 12ին կը մեկնի Հալէպէն. կը հանդիպի Չէյլան, Ախթուռան, Ահուս, Տաշլիպխառ, Միզառ, Պէրէճուկ, Պուհուրտլան, Եալաղ, Միլին, Ասլանլի, Սեւերակ, Չումէն, Հապուման, Շիխսառըմ և Օգոստ. 24ին կը հասնի Չնքուշի վանքը ուր կը մնայ մինչև Օգոստ. 31: Նոյն օրը կը շարունակէ ճամբան՝ Ատիշ, Սպիտակ լեռ, Մաշխախարապա, Ս. Աստուածածնի վանք (Արդնույ) (Սեպտ. 10 - 20), Թառմալ, Տէվէկէչիտ, Ալիփինառ և Սեպտ. 23ին կը հասնի Համիթ, ուր կը մնայ մինչև Նոյեմ. 5 (Թղ. 196բ - 198ա):

Նոյեմբեր 5ին կը դառնայ Չնքուշի վանքը՝ Ալիփինառ